



---

**Regulamentu n.º 1/2017, 13 de Janeiro**  
**Kode Étika Jornalística**

Atividade jornalística iha Timor-Leste hanesan elementus importante ba realizasaun Estadu direitu Demokratiku ida ne'ebé kompletu. Iha sentidu ne'e, protesau ba atividade jornalística no kriaun kuadru lejislativu atu garantia nia realizasaun no iha nesiedade tebes atu proteje no salvaguarda ba independensia profisaun nian, iha tempo hanesan mos estabelese elementus ne'ebé bele sai quia ba atividade jornalística ne'ebé ho qualidade no livre. Ho objetivu ne'ebé mak aprova iha Lei Komunikaun Sosiál liu husi Lei n.º 5/2014, iha lora 19 fulan novembru, ho enfase ne'ebé forte ba liberdade imprensa nune'e mos ba kriaun orgaun tekniku espesializadu ba kontinuasaun autoritariu sosiál ida ne'e. Entre sira ne'e, Konsellu Imprensa hanesan entidade administrativa independente, iha responsabilidade atu asegura lei hotu, hanesan observansia ba prinsípiu etiku ba jornalista nian. Antes ne'e, iha Dekretu-Lei n.º 25/2015 ne'ebé kria Konsellu Imprensa, ida ne'e fo mandatu atu uza prosesu regulasaun nian liu-liu ba orgaun ida ne'e, atu aprova kódigu Étika ba Jornalista tuir Lei Komunikaun Sosial.

Iha medida ida ne'e eziste kódigu Étika ida ne'ebé mak aprova husi jornalista sira ho auto-regulasaun hosi jornalista sira ne'ebé mak iha AJTL, SJTL no TLPC iha 2013, tamba ne'e atu hadia frakeza ne'e ho solusaun ne'ebé mak fo valor normativu ba prinsípiu étika no halo luan liu tan atividade jornalística iha jeral. Iha kontekstu ida ne'e, fo konsiderasaun boot ba jornalistas sira nia regras ne'ebe sira aprova rasik, pretende reeve hotu, mantein nafatin prinsípius importantes ne'ebe lori atividades jornalístiku en jeral.

Nune'e, tuir artigu 21.º no alínea b) hosi artigu 44.º Lei Komunikaun Sosiál aprova liu hosi Lei n.º 5/2014, iha lora 19 fulan novembru, Konsellu Imprensa determina liu hosi diskusaun publiku projetu ida ne'e ne'ebé mak realiza hosi lora 13 fulan novembru to'o lora 14 fulan dezembru tinan 2016, aprova Regulamentu ne'e, hanesan tuir mai:

**Artigo 1.º**

**Objetu**

Regulamentu ne'e aprova kódigu Étika ba ema hotu ne'ebé hala'o atividade jornalística iha Timor-Leste, iha akordu hosi artigu 21.º no alínea b) no hosi artigu 44.º Lei Komunikaun Sosiál.

**Artigo 2.º**

**Aprovasaun Kódigu Étika**

Aprova iha anexo Regulamentu ne'ebé hanesan parte integrante ida hosi kódigu Étika ne'e.



---

Artigo 3.º

Tama iha Vigór

Regulamentu ida ne'e tama iha vigor loron tolu nulu depois nia publiksaun.

Aprovadu hosi membru Conselho de Imprensa iha loron 13 fulan Janeiru tinan 2017

**Virgílio da Silva Guterres**

Presidente Conselho de Imprensa

**José Maria Ximenes**

Membru

**Hugo Maria Fernandes**

Membru

**Paulo Adriano da Cruz Araújo**

Membru

**Francisco Belo Simões da Costa**

Membru



---

ANEXO:

**Kode Etika Jornalística**

*Sira nebe hala'ó atividade jornalística iha Timor-Leste kompromete-an atu:*

*1 – Defende sidadaun nia direitu atu asesu ba informasaun no buka lia los*

*2 – Fo hatene faktu sira ho rigor, ezatidadun, honestidade no independensia no klarifika lolos diferença entre notisia ho opiniaun;*

*3 – Kombate forma sensura hothotu no defende liberdade imprensa no liberdade espresaun;*

*4 – Sempre hetan informasaun, dokumentu no imajem sira ho forma legal no profissional, respeita kompromisu konfidensialidade ho fonte informasaun sira, hanesan off the record, pedidu konfidensialidade no embargo;*

*5 – Salvaguarda prezunsaun inosensia arguidu iha prosesu tribunal nia laran to'ó hetan desizaun final hosi tribunal no respeita vitima krimi no nia familia sira nia identidade, ho kuidadu especial atu husik nudar anonimato ba vitima krimi seksual no labarik sira nebe sai arguidu;*

*6 – Konfirma no verifika informasaun hothotu nebe simu molok atu publika, rekoiñese informasaun sira nebe sala hafoin publikasaun no hadi'a lalais kedas, respeita sidadaun nia direitu atu hatan;*

*7 – Defende igualdade, la halo diskrimanasaun bazei aba rasa, etnia, fiar, dalen, estatu sosiu-ekonomiku, opsaun politik, jeneru, seksu, defisiensia ka ho razaun seluk;*

*8 – Respeita sidadaun hothotu nia moris privadu, nia direitu ba onra, naran di'ak no privasidade, exeptu bainhira defeza ba interese publiku iha kauza;*

*9 – Rejeita forma plajiu hothotu no labele simu subornu ka oferta ruma nebe bele influencia ninia independensia profesional. Identifika ho loloos fonte no autor hosi informasaun nebe nia uza no klarifika ba publiku konaba informasaun sira nebe nia hetan tanba hetan tulun finanseiru hosi ema ka entidade ruma;*

*10 – Evita publika liafuan, imajem, lian nebe transmiti sadismu ka violensia hasoru ema ka balada nebe iha natureza hakanek publiku nia sentimentu.*